

Protocol no. 47
Sezzüda da lündeschdi, 03 december 2012 20.00 - 22.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

386 ORIENTAZIUNS

1. Via Spinatscha – Chanals / limitaziun da trafic

Il Cussagl piglia cugnuschentscha da la disposiziun dals 20 november 2012, relaschada da la pulizia chantunala. Uschè vala üna larghezza max. da 2.3 m ed ün pais max. da 18 tonnas. Il cumün vegn uossa oblià da publichar quista müdaziun in möd adequat in cumün. Davo scadü quel termin sto il Cussagl amo decider lasupra e quella decisiun sto lura gnir publichada i'l fögl uffizial dal Grischun.

6. Pista Sömmi / charta davart las Pendicularas Motta Naluns SA areg. lingia d'innaiver

Da quella vart vegn averti, chi detta minch'on problems causa l'insuos-chimaint da la lingia d'aua. I's rechatta crappina illa düsa d'aua da las lantschas e quel fat renda plü greiv e chaschuna daplü cuosts d'innaivaziun.

Il cusglier dal decasteri, Men Caviezel, po orientar cha güst hoz ha gnü lö üna sezzüda areguad quel problem, causa cha la reprimanda as drizza vers la società da sauaziun. Da prümvaira es previs da far üna controlla e d'ev. plazzar amo ün filter (da be ½ mm) sülla lingia. In quel möd stuves il problem esser scholt.

7. Institut Otapin / invid a la radunanza generala

Quella ha lö als 15 december 2012 a las 14.00h. Il Capo, Albert Mayer, piglia part.

11. Explotaziun da material pro la sortida da Val Tramlai / proceder dal "BAB"

L'uffizi pel svilup dal territori dal chantun Grischun avertischa d'avair manà tras il proceder da consultaziun intern. Las posiziuns dals uffizis tangats sun negativas, quai pervi chi mancan las premissas da planisaziun e d'utilisaziun per ün'explotaziun. Uschè nu po l'uffizi manzunà metter in vista ün permiss davart al "BAB". El propuona al Cussagl da retrar la dumonda da fabrica, quai our da motivs da simplificaziun sco eir da cuosts.

Il Cussagl decida, sainza discussiun, da retrar la dumonda e da comunicar quai.

12. Società da duonnas / utilisaziun da la stanza da sezzüdas

Il Capo ha gnü ün aboccamaint culla presidenta, Dorotea Stupan. La fatschenda es uossa evasa ed i's ha chattà üna soluziun, dimena la società da duonnas po utilisar la stanza da sezzüdas in chasa cumünala e quai adüna il venderdi saira. Cun quist vegn it d'accord da tuottas varts.

13. Silvretta Seilbahn AG, Ischgl / proget Piz Val Gronda
Da quella vart es previs d'eriger üna pendiculara dal Vesil sül Piz Val Gronda. Il cumün da Sent nun es tangà in möd direct da quai, l'indiriz as rechatta però direct in vicinanza dal territori da Sent. Uschè han ils respunsabels dumondà per pudair preschantar il proget e la situaziun actuala da quel. In lündeschdi, als 10 december a las 11.00h ha lö l'infuormaziun illa stanza da sezzüdas da nossa chasa cumünala. Ils Capos dal cumüns da Ramosch e Samigniu sun eir da la partida. Da nossa vart fan part il Capo, Albert Mayer ed il schef da fabrica, Dumeng Jann.

387 30 **PROMOZIUN DA CULTURA**
Società „Seilpark GmbH“

Il vice-capo, Andri Poo, orientescha, cha la società “Seilpark GmbH” es vi da sclerimaints areguard l'eriger ün indiriz, uschènomnà “Tiroliens” in Val Uina. In quel connex es eir previs da reactivar la via veglia pro'ls puntins ots. Da quai po eir il cumün trar a nüz, causa chi's tratta qua d'ün aspet cultural.

388 021 **FABRICA**
Revisiun da la planisaziun, Notizcha d'acta areguard plazzas da parcar

Il schef da fabrica, preschainta la notizcha erigida da la cumischiun da fabrica ed examinada dal cusgliader da fabrica. Il Cussagl va d'accord culla notizcha preschantada e decida da laschar consultar quella eir al giurist.

389 021 **FABRICA**
Dieta dals 3 november 2012 / „IG-für Kleingemeinden

Il schef da fabrica ha fat part a quella e dà üna vast'orientaziun. Id ha eir referi il cusglier guvernativ, Hansjörg Trachsel – sur da temas actuals. Sur da l'agroturissem es eir gnü rferi. L'agroturissem sto esser concepì in möd insistent ed ha d'as basar sün ledschas e uordens. Dumeng Jann ha surdat a minchün il muossavia “Agroturissem Grischun”, chi circumscriva tuots detagls.

Infuormaziuns: www.gr.ch/DE/.../dvs/.../Leitfaden_Agrotourismus_Graubunden.pdf

390 30 **PROMOZIUN DA CULTURA**
Artista Anita Daicar – Florin, Bad Ragaz

Marianne Werro infuormescha, cha la manzunada haja fat part a l'eivna “a Sent be Rumantsch”. Sco segn da recugnuschentscha vulesch duonn'Anita regalar al cumün ün piz dal battarin “Klöppelspitze”. (100 cm larg 200 cm ot). Il Cussagl accepta cun plaschair quel regal. In quist sen vegn infuormà ed ingrazchè in scrit a la futura.

391 0 **ADMINISTRAZIUN GENERALA**
Patrizia Wieser, cuors SSK (conferenza svizra d'impostas)

Patrizia Wieser, respunsabla per nos uffizi d'impostas, vaiva frequentà il cuors da fuormaziun davart la Conferenza svizra d'impostas. Ella ha conclus l'examen final cun success ed in venderdi, als 23 november ha Patrizia pudü tour in consegna a Berna il zertificat, chi tilla qualifichescha d'executar taxaziuns d'impostas.

Cun plaschair pigl'il Cussagl cunguschentscha da quist fat e gratulescha cordialmaing a Patrizia pel success obtgnü.

il capo:

l'actuar: